



David Rees AS
Cadeirydd, Pwyllgor y Bil Atebolrwydd Aelodau

2 Chwefror 2026

Annwyl David,

Diolch am eich llythyr dyddiedig 22 Ionawr 2026 ynglŷn â'r penderfyniad ariannol ar gyfer y Bil Senedd Cymru (Atebolrwydd Aelodau ac Etholiadau).

Fel y gwyddoch, mae'r ddadl ar y Penderfyniad Ariannol wedi'i chynnwys ar y Datganiad Busnes ar gyfer 10 Chwefror. Byddaf yn cyflwyno'r cynnig i'r Senedd gytuno ar y penderfyniad ariannol yfory. Bydd hyn yn caniatáu i drafodion Cyfnod 2 ddigwydd fel y cynlluniwyd ar 12 Chwefror ac – os bydd angen – ar 13 Chwefror.

Ni chafodd cynnig y Penderfyniad Ariannol ei wneud ar 13 Ionawr oherwydd roeddwn am ystyried goblygiadau argymhellion y Pwyllgor i dynnu llawer o'r manylion o Ran 2 o'r Bil, o ran penodi aelodau llewg i'r Pwyllgor Safonau Ymddygiad, ar gyfer yr Asesiad Effaith Rheoleiddiol.

Yn sgil adolygu'r goblygiadau ariannol, rwyf wedi dod i'r casgliad pe bai'r manylion sydd ar hyn o bryd yn Rhan 2 o'r Bil yn cael eu dileu drwy welliant, ni fyddai'r costau sy'n gysylltiedig ag aelodau llewg yn hysbys oherwydd byddai'r rhagdybiaethau cynllunio a ddefnyddiwyd i ddarparu'r amcangyfrif presennol, yr oedd lefel yr hyder mewn perthynas â hwy eisoes yn isel, yn fwy ansicr eto hyd yn oed. Pe bai'n cael ei ddiwygio fel hyn, ni fyddai'r Bil yn darparu unrhyw baramedrau ar gyfer nifer yr aelodau llewg, a chan y byddai angen datblygu'r manylyn hwnnw i'w gynnwys mewn Rheolau Sefydlog – a fyddai'n golygu ei fod yn ofynnol cael mwyafrif o ddwy ran o dair ar gyfer cymeradwyo – ni ellir bod yn hyderus ynghylch pryd y byddai'r trefniadau ar gyfer penodi aelodau llewg yn cael eu rhoi ar waith, na phryd y byddai unrhyw gostau mewn perthynas ag aelodau llewg yn cael eu hysgwyddo felly. O ganlyniad, hoffwn ystyried y mater hwn ymhellach eto cyn trafodion Cyfnod 2.

Edrychaf ymlaen at y ddadl ar 10 Chwefror ac at drafod y materion hyn ymhellach â'r Aelodau.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Cwnsler.Cyffredinol@llyw.cymru
correspondence.Counsel.General@gov.wales

Rydym yn croesawu derbyn gohebiaeth yn y Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwy'n anfon copi o'r llythyr hwn at Gadeirydd y Pwyllgor Deddfwriaeth, Cyfiawnder a'r Cyfansoddiad, Cadeirydd y Pwyllgor Cyllid, Cadeirydd y Pwyllgor Busnes a'r holl Aelodau er gwybodaeth.

Yn gywir

A handwritten signature in blue ink that reads "Julie James". The script is cursive and fluid, with the first name "Julie" and the surname "James" clearly legible.

Julie James AS/MS

Y Cwnsler Cyffredinol a'r Gweinidog Cyflawni
Counsel General and Minister for Delivery